

Samningur um samskiptamál Reykjavíkurborgar kt. 530269-7609 og KFUM og KFUK í Reykjavík kt. 690169-0889

Reykjavíkurborg og formaður KFUM og KFUK í Reykjavík gera með sér svohljóðandi samning um samskiptamál hvað varðar styrkveitingar, rekstur og önnur sameiginleg hagsmunamál.

1. Markmið og hlutverk

Markmið samnings þessa er að efla tengsl Reykjavíkurborgar og KFUM og KFUK í því skyni að efla starf KFUM og KFUK í Reykjavík.

Reykjavíkurborg viðurkennir þjónustu- og uppeldishlutverk KFUM og KFUK í æskulýðs- og tómstundarmálum og hlutverk sitt og skyldur gagnvart borgarbúum. Þá vill Reykjavíkurborg með samningi þessum tryggja, að það fé sem borgarsjóður leggur til starfs KFUM og KFUK nýtist sem best þeim borgarbúum er taka þátt í starfi KFUM og KFUK.

2. Framkvæmd

Með samningi þessum heitir KFUM og KFUK að kappkosta að gera sem flestum börnum og unglingum kleift að taka þátt í starfi samtakanna m.a. með því að veita þeim greiðan aðgang að því starfi sem þar fer fram. KFUM og KFUK skal kappkosta að haga skipulagningu sinni þannig að starfið verði í boði í öllum hverfum borgarinnar. Haga skal starfinu þannig að það sé á þeim tímum er henti skólastarfi og fjölskyldulífi.

3. Styrkveiting

Gert er ráð fyrir að styrkveitingar Reykjavíkurborgar nemi kr. 29.336.000.- á ári vegna reksturs skrifstofu og faglegrar þjónustu KFUM og KFUK á árinu 2022. Fjárveitingin er með fyrirvara um samþykkt fjárhagsáætlunar Reykjavíkurborgar. Íþrótta- og tómstundasvið (hér eftir ÍTR) mun halda eftir greiðslu vegna fasteignagjalda KFUM og KFUK, sem eru áætluð alls kr. 9.885.000.- árið 2022. Eftirstöðvar greiðslur, alls kr. 19.451.000.- greiðast með jöfnum greiðslum fjórum sinnum á ári.

Greiðsla 2022 tekur mið af fjárhagsáætlun og verðlagsáætlun Reykjavíkur en á árinu 2023 verður verðbætt frá og með 1. janúar 2022.

Styrkurinn er m.a. veittur vegna:

- Barna- og unglingastarfs yngri iðkenda 9-12 ára.
- Unglingadeildastarfs 13.-16 ára
- Starf fyrir eldri ungmenni en 16 ára.
- Leiðtogaþjálfunar.

Skrifstofa

KFUM og KFUK rekur skrifstofu/þjónustumiðstöð í aðalstöðvum félagsins við Holtaveg. Þar starfa framkvæmdastjóri, fjármálastjóri, bókari og afgreiðslufulltrúi.

Æskulýðsfulltrúar

Hjá KFUM og KFUK starfa æskulýðsfulltrúar í tveimur stöðugildum sem hafa aðsetur á skrifstofu félagsins í Reykjavík. Æskulýðsfulltrúarnir skipuleggja og samþætta starfið og halda utan um sameiginlega viðburði s.s. æskulýðsmót og námskeið.

Námskeiðahald

Til að tryggja faglegt æskulýðsstarf stendur félagið fyrir reglulegri fræðslu starfsmanna og sjálfboðaliða 18 ára og eldri. Ungt starfsfólk og sjálfboðaliðar þurfa að sinna faglegu fræðslu- og uppeldishlutverki, en einnig að vera vel að sér í öryggismálum. KFUM og KFUK tryggir starfsfólki og sjálfboðaliðum kennslu í skyndihjálpi, brunavörnum og fleiru sem snýr að öryggi. Velferð barna og unglunga er í fyrirrúmi. Hluti af fræðslunni felst í að kunna að greina vanrækslu eða misnotkun barna og kunna að bregðast rétt við í slíkum að stæðum. KFUM og KFUK á mjög gott samstarf við barnaverndaryfirvöld.

KFUM og KFUK heldur einnig reglulega helgarnámskeið fyrir 15-17 ára ungmenni til að auka með þeim hæfni til starfa á vettvangi félagsins og í lífinu sjálfu.

Rekstur húseignar

Aðalstöðvar KFUM og KFUK, húseignin við Holtaveg 28.

4. Skilyrði fyrir styrkveitingu

Skilyrði fyrir styrkveitingu er að KFUM og KFUK skili ÍTR ársreikningi og starfsskýrslu. Við undirritun samnings skal KFUM og KFUK leggja fram áætlun til tveggja ára um helstu verkefni og áherslur í barna- og unglungastarf á tímabilinu. Félagið skal í áætlunum sínum setja fram skýr markmið um starfsemina, tillögur að settu marki og hvernig skuli staðið að mati á árangri.

KFUM og KFUK skal hafa virka jafnréttisstefnu, siðareglur og fylgja mannréttinda- og forvarnarstefnu Reykjavíkurborgar sem og kynna sér stefnumótun Reykjavíkurborgar í mannréttinda- og forvarnarmálum.

KFUM og KFUK skal halda kynningu á því verki sem fjárveiting fór til án sérstakrar þóknunar sé eftir því óskað af Reykjavíkurborg. KFUM og KFUK skal upplýsa í kynningum á starfsemi sinni að samtökin njóti fjárframlaga frá Reykjavíkurborg. KFUM og KFUK skal veita upplýsingar um þátttöku í starfi eftir kyni sé þess óskað.

5. Samskipti

ÍTR og KFUM og KFUK annast framgang samnings þessa. Sviðstjóri og framkvæmdastjóri ásamt skrifstofum samningsaðila annast dagleg samskipti.

6. Vanefndir og meðferð deilumála

Reykjavíkurborg áskilur sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu KFUM og KFUK. Telji annar samningsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef fjárframlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berhögg við markmið og stefnu hennar áskilur Reykjavíkurborg sér rétt til að rifta samningum og/eða krefjast endurgreiðslu framlagsins að hluta eða öllu leyti þegar í stað. Rísi mál vegna samningsins skal það rekið fyrir Héraðsdómi Reykjavíkur.

7. Gildistími

Samningur þessi tekur gildi frá og með 1. janúar 2022 og gildir til 31. desember 2023. Hvor aðili um sig getur þó óskað endurskoðunar á samningnum á samningstímanum

Samningur þessi er gerður í tveimur samhljóða eintökum, einu fyrir hvern samningsaðila.

Reykjavík, ____ nóvember 2021

F.h. Reykjavíkurborgar

F.h. KFUM og KFUK í
Reykjavík

Vottar að rétttri undirskrift, dagsetningu:

Nafn kt.

Nafn kt

Samþykkt á fundi borgarráðs 9. janúar 2020